

Шочмо эл, порылык да чын верч!

Будь готов!

42-шо (3534) №,
2021 ий 15 октябрь,
кугарня.

Йымде лий



1933 ий 1 февраль годсек лектеш.

0+

СЫЛНЫМУТЫН ЮЗО ВИЙЖЕ



ХАЛЕКСАНДРОВАН фотожо.

ПОДПИСКЕ

Сылнымутым йоратыше да аклыше ўдыр-рвезе, кумдан палыме серызе да уна-шамыч 6 октябрыште Йошкар-Олаште «Сылнымут шыже – 2021» семинар-совещанийыш погыненыт. Тудым Россий писатель ушем мер организацийын Марий Эл Республикысе полкаже Марий Элысе тўвыра, печать да калык-влакын пашашт шотышто министерстве полшымо дене эртарен. Тений тудо 45-ше гана лийын. Ты кечын ятыр тыланымаш йонген. Теве марий прозаик В.Н.Бердинскийын ушан ой-кагашыже Морко район Шўргыял школын тунемшыже-влак Настя Михайловалан, Степла Кузнецовалан, Виктория Александровалан да марий йылме да литературым тунуктышо Е.В.Григорьевалан моткоч шерге да пайдале лийын (снимкыште). Ўдыр-влак «Марий сылнымут садвечыште» кружокышто налме шинчымыштым семинар-совещанийыште пенгыдемденит.

Умбакыже 3-шо лаштыкыште лудса.

2022 ийын икымше пелийжылан подписке тургым эртаралтеш. «Йымде лий» газетлан возалташ вашкыза. Индекс – П4696.

Ак – 363 тенгеат
18 ыр.

Квитанцийым редакци-йышке колтыза да ЛОТЕРЕЙ модышышко ушныза.

Тўн приз – коньки.



Рекламе.

Сенгымаш

Фотом Интернет гыч налме.



Чодыран йолташыже улыт

эртаралтын. Түрлө район да ола гыч 16 команде ушнен. Ёдыр-рвезе-влак «Лесное многоборье» да «Визитка школьных лесничеств» йыжынлаште мастарлыкштым тергенят. Видеоролик-влакым войзаш тунемынит. Йыргешке үстел йыр погынен, ончыкылык пашашт нерген кагашеныт.

Сенгышыш лектыныт: **I вер** – Медведево районысо Шойбулак школын командыже (снимкыште). **II вер** – Шернур районысо Марисола школын командыже; Йошкар-Оласе Йоца экологий да биологий рүдерын командыже. **III вер** – Юрино йоча усталык пörтын командыже; Волжск олесе экологий рүдерын командыже. **Л.ГРИГОРЬЕВА ямдылен.**

Увер

5-18 октябрьыште «Смена» всероссийский йоча рүдерыште корнысо самырык инспектор-шамычын (ЮИД) кугыжаныш-влак кокласе слётышт 16-шо гана эртаралтеш. Марий Элын чапшым Курык-марий районысо Виловат школын командыже арала.

Волжск олесе лицейын ЮИД командыже корнысо самырык инспектор-влакын слётыштышт уш-акылжым да вийжым тергаш тўналеш. Слёт 5-25 октябрьыште «Орлёнок» всероссийский йоча рүдерыште эртаралтеш.



Марий йылме

Шочынам Марий Элеш, Кугешнем: улам марий. Ок вашталте йылмым еш, Шочмо йылме – тиде вий.

Вес йот калык-влак коклаште Муралтен колтем марла. Шочмо йылме – кўкшакаште, Тўнянам волгалтара. **Стелла КУЗНЕЦОВА. Морко, Шўргыял.**



8-9 октябрьыште «Шап» тазалыкым пенгыдемдыше комплексыште Марий Эл Республикысе школлесничествевлакын слётышт

Историйым шергалына

1813 ий 18 октябрьыште руш войска да тудын союзникше-влак Лейпциг воктенысе «Битва народов» кредалмаште Наполеоннын армийжым сененыт.

1827 ий 20 октябрьыште руш флот да тудын союзникше-влак Чаварин теңыз кредалмаште турко флотым кырен шалатеныт.

Кугешнена

Мый йолташем Данил Калугин (снимкыште) дене палымым ыштем. Тудо чулым да писе. Кодшо арнян школна пелен эртаралтше район тагасымаште 2010-2011 ийлаште шочшо-влак коклаште куштылго атлетике дене 2-шо верым налын. Ме тудын дене кугешнена.



Алексей МИХЕЕВ. Параньга, Кугу Пумарий.

Российысе увер

3-22 ияш ёдыр-рвезе-влак «Палитра культур» шуко жанран тўнямбал конкурсышто мастарлыкштым ончыктен кертыт. Конкурсын темыже – шочмо элым, йылмым, калыкын йўлажым йоратымаш. Пашам 22 ноябрь марте колташ лиеш. Тўрыс увер – upredkov.ru сайтыште.

3-11-ше класслаште тунемше-влак, «Я и Россия: мечты о будущем» всероссийский усталык конкурсын ушныза. Сўретым але плакатым сўретлен, 31 октябрь марте колтыза. Тўрыс уверым konkursoff.ru сайтыште ончыза.

«Устами детей говорит мир» тўнямбал сылнымут фестиваль-конкурсыш 7-24 ияш ёдыр-рвезе-влак онлайн ушнен кертыт. Йодмашым fest.odub.tomsk.ru сайтыш 21 октябрь марте колтыман.

Марий Элысе увер

«МЭТР» телеканалын «Авай дене пырля лудына» йоча телепрограммыже «СМИротворец» всероссийский конкурсын Юл кундем федерал округысо йыжынгыштыже «Йоча да самырык-влаклан СМИ» номинацийыште кокымшо верым налын. Вўдышў-влак – Наталья Ямаева ден Аня ёдыржў.

23-31 октябрьыште Я.Эшпай лўмеш Марий кугыжаныш филармонийыште «Великая сила родной земли» республикысе фестиваль эртаралтеш. Тушто районысо усталык коллектив-влак мастарлыкштым ончыктат.

20 ноябрьыште мастар марий тўрлызў-влак Марий самырык театрыш этнофорумыш икымше гана погынат. Тўр ончер, мастер-класс лийыт. Тўрлў вуйчиемым ончыктат.

Сылнымутын юзо вийже

Тўналтышыже – 1-ше лаштыкыште.

Тений семинар-совещанийыш ятыр йоча ушнен. Нунын коклаште мемнан юнкорна-влак Дима Веденькин, Аня Прохорова (1-ше №-ан Шернур школ), Полина Бирюкова (Йошкар-Ола, Национальный сымыктыш гимназий), Катя Григорьева (2-шо №-ан Шернур школ) лийыныт. Рушла, марла да курыкмарла возышо самырык автор-влаклан посна секций-шамыч пашам ыштеныт. Ёдыр-рвезе-влакын пашаштым кумдан палыме серызе-влак Альберт Васильев, Эрик Петров, Сергей Щеглов, Зинаида Ермакова, Зоя Дудина, Лидия Иксанова, Игорь Попов да молат акленыт. Сай почеламут ден ойлымаш-влак «Эрвий», «Дружба» альманахлаште, «Ончыко», «Кече» журналлаште, «Ямде лий», «Кугарня» газетлаште савыкталтыт. Семинарыш ушнышо кажне ег таумут дене палемдалтын.

Семинар-совещаний Марий Элын калык писательже А.Ф.Красноперовын 100 ияш лўмгечыжлан пўлеклалтын.

Йылмын яжым умылен моштышо-влак тек кажне ийын ешаралтыт. Нуно, сылнымутын юзо вийжым шижын, у книга дене куандарышт.

Е.ИВАНОВА.



Конкурс

Сенгымаш тоштер ден Российысе журналист-влак ушемнын Моско оласе пўлкаже 14 ияш деч кугурак ийготан йоча ден студент-влакым «Памяти героев» всероссийский конкурсыш ушнаш ўжыт. Тагасымаш Совет Ушем маршал Георгий Жуковын шочмыжлан 125 ий теммылан пўлеклалтеш. «Эссе» да «Репортаж» номинацийлаште мастарлыкым тергаш лиеш. Йодмашым да паша-влакым 20 октябрь марте victorymuseum.ru сайтышке колтыман.

Кидше шўртнў

Ачамын лўмжў – Эдуард Васильевич (снимкыште). Тудо электриклан тунем лектын. Кызыт комбикорм заводушто грузчиклан пашам ышта. Ачамын кидше шўртнў. Тудо чоґаш пеш мастер. Тений кенежым беседке «шочо». Мыланна лўнгалтышым ышташ сўрен ыле. Шонымашна шукталте. Ынде ме тушто шер теммешке лўнгалтена.

Марина СТЕПАНОВА.

Волжский, Упшер.



Ачаемым пагалем, **Акростих**
Чолга да патыр мый лийнем.
Аралет, ачай, палем,
Йўратем, моткоч аклем.

Алина СУББОТИНА.

2-шо номеран Морко школ.

**17 октябрь –
Ачан кечыже.**

Поро ачана

Ятыр мутым авалан
Пўлеклаш лиеш,
А ты мутым ачалан
Каласаш лиеш.

Поро, патыр ачана,
Мемнан верч мочол тырша.
Мемнам тудо чамана,
Каныде пашам ышта.

А кастене ешна дене
Вучена ме ачанам.
Тудо уло шокшыж дене
Ќндаlesh шыман мемнам.

Аня АНДРЕЕВА.

Кужэгер, Тошто Йўледўр.

Тале колызо

Ачамын лўмжў – Коля. Тудо тале колызо. Кастене йылым поген ямдыла да, кече дене пырля кынелын, ер, энгер воктеке кая. Кенеж гоч моткоч шуко колым кучен. Авам кол гыч тамле кочкишым ямдыла. Мыланем жаритлыме кол эн чот келша.

Диана ГРИГОРЬЕВА.

Морко, Купсола.

Пайрем дене!

Ачам, 18 ийым темыме кыже, Россий Армиий радамаш каен. Чечня мландыште порысшым шуктен. Ачам тиде пагыт нерген ок каласкале. Авам гына палдарен. Российын картшым ончен, ачамын служитлыме верлажым пален налам. Шерге енемым пайрем дене саламлем. Тазалыкым да кужу ўмырым тыланем.

Иделия ИШМУРЗИНА.
Татарстан, Агрыз, Буймо.

Мария МИНГЛИНА.

Татарстан, Агрыз, Кадрек.

Калык пагала

Ачам (снимкыште) пашалан уста: конгам опта, пушенге гыч пўкеным, ўстелым да молымат ышта, машина, трактор, комбайн дене кудалыштеш. Изиж годсек техникым йўратымыже шофёрлан тунемаш пураш таратен. Армиий деч вара ялысе колхозышто КамАЗ дене кудалыштын. Кызыт тудо кресаньык фермер озанлык вуйлатыше. Ачамым ял калык пагала да акла.



*Йочам аваже туныкта
гын, пашалан чулым лиеш,
ачаже туныкта гын,
ушлан лывырге
лиеш.
Калыкмут.*





Коркатово лицейлан – 135 ий!



Снимкыште Валерия Ивановам, Даша Семёновам, Ангелина Гавриловам да Дима Ивановым ужда. Нуно «Большая перемена» всероссийский конкурсын Юл кундем федерал округысо йыжыкыштыже полуфиналыш лектыныт. Таңасымаш Озан олаште эртаралтын.

Морко район Коркатово школын историйже 1886 ий гыч тўналеш. Тунам тудо церковно-приходской школ лийын да Суворовмытын суртышто верланен. Икымше вуйлатыше – священник Е.А.Большаков.

Коркатово школын рўдō оралтыжым 1951 ийыште чонгым (1973 ий гыч кыдалаш школ, 2009 ий гыч лицей лийын). 1977-2013 ийлаште школым А.А.Васильев вуйлатен. Кызыт директор – С.И.Михайлов.

Лицейыште биологий да химий, физике да математике, гуманитарный да право (кадет класс) направленийла дене шинчымашым налаш лиеш. Тунемаш да шуаралташ чыла йōн уло. Йоча-влак военно-патриотический, спорт, художественный, интеллектуально-познавательный, РДШ направленийла почеш виан пашам ыштат. Тунемше-влак республикысе, всероссийский конкурслаште чўкыдын сенгышыш лектыт.

Лицейыште 45 туныктышо (снимкыште) 405 йочалан шинчымашым пуа. Лицей пеленысе йочасадыште кок группо пашам ышта.



Тоштерыш – унала

Марий сылнымут тўняште Н.С.Мухины мут ярымже тачат йонга. Морко кундемын ик эн уста эргыже Олыкъялеш шочын. Тудын лўмжым ялысе тоштер нумалеш. Шукерте огыл Коркатово лицейын 7-ше классыштыже тунемше-влак тоштерыш унала миенят. Вуйлатыше В.В.Михайлов йоча-влаклан поэтын илыш корныжо, сылнымут пашаже нерген онай урокым эртарен, йолымат пидаш туныктен. Кеч-могай пашалан тунемаш кўлеш.

В.СМИРНОВ.

Тау, туныктышо

Кокласола лицейыште ятыр туныктышо пашам ышта. Кажныже мемнамшке йочаже семын йōрата. Нуно мыланна келге шинчымашым пуат.

Мый туныктышына-влаклан кугу таум каласем. Поро пашадам ўмыр мучко шарнаш тўнгалам.

Карина МОЛОДЕЦКИХ.

Кодшо тунемме ийыште 11-ше классым 65 ўдыр-рвезе тунем пытарен.



Нунын кокла гыч кандашын «За особые успехи в учении» медаль дене палемдалтыныт.

Кокымшо пōрт

Школ икшыве-шамычлан кокымшо пōрт гай. Тушто ме ятыр жапым эртарена. Йолташ-влакым вашлийына, шинчымашым погена. Мый кажне кечын йōратыме лицейышке куанен ошкылам. 20 октябрьыште лицей 135 ийым тема. Мый тыге ойлем: «Пелед, тўзлане, Коркатово лицей!»

Инецца СТЕПАНОВА.

Чеверласаш йōсō

Мый биологий да химий 11-ше классыште тунемам. Школ дене чеверласыме пагыт лишемеш. Ик еш семын пырля кушмо йолташ, йоратыме туныктышо-влак деч ойырлаш йōсō лиеш, шонем. Туге гынат шўлыканагаш жап уке. Ончыкылык у сенгымаш верч тыршыман. ЕГЭ-м сайын кучымо нерген шоныман. Чылалан келге шинчымашым тыланем.

Настя ИВАНОВА.

Йот йылме кўлешан

Йоратыме туныктышем – Л.Я.Васильева. Тудо англичан йылмым туныкта. Людмила Якшаевна дене кокымшо классыште тунеммем годым палыме лийынам. Англичан йылме неле, тудым умылаш йōсō шонымаш икымше урок гычак шулен йомын. Туныктышын раш умылтарымыжым колыштын, йот йылмым йōратен шынденам. Ты урокым уло кумылын вучем.

Катя СЕРГЕЕВА.

Фото-влакым школын архивше гыч налме.



Фотог еш архив гыч налме.

Чывытан деч ида лүд!

йолташем. – Кузе тудым кучаш лүдын отыл? Пурлын кертеш вет!» Вүдысö тиде шукшым шукын тушманлан шотлат. «Чывытан деч лүдман огыл. Тудо айдемылан да йырым-йырысе пүртүслан пайдам конда», – умылтарыш авам.

Ерыште чывытаным ужмеке, мом ыштыман? Тиде йодышлан вашмутым муаш манын, авам дене шымлымашым эртарышна. Марий кундемыште латик түрлө чывытан ила. Шукш-влак шем, ужар але күреналге түсан, 10 сантиметр наре кужытан лийыт. Ме изи да кугу ложноконский чывытан-влакым чүчкыдынрак вашлийна. Нунын онылашлушт айдемын коваштыжым пурлаш кельштаралтын огыл. Коваштышке пижын, капыште ырат.

Айдемын вүржым медицин-

ский деч ен черепаший чывытан-влак йүйт. Нуно шуэн вашлиялтыт.



Чывытаным медициныште кучылтыт. Нуно айдемым түрлө чер деч эмлат. Шукшлан ида сыре, тудын деч ида лүд!

Чывытан коваштышке пижеш гын, мамыкым бензин, спирт але йод дене нөртыман да шукш дек лишемдыман. Пурлмо вер гыч күч дене эркын корандыман.



Пырля тунемше йолташемлан авам дене вүд воктеке коштына да чывытаным эскерымына нерген каласкалышым. «Чывытаным? – öрын йодо

Шыже

Шöртнö шыже угыч толын, Түрлö түсым пöлеклен. Кенежна шып шортын кодын, Шыже тудым шортарен.

Сывынжым куэ кудашын, Тувыржо нарынчалген. Кече онча кашын-кашын, Пылым ок керт чылт сенен.

Кайык-шамыгч,
йүштым шижын,
Шокшо велышке вашкат.
Ямдылаш мо шокшо пижым?
– Аваем, ала пидат?

Теле, тый изиш чыталте,
Шыже тек озалана.
Тый шуат, изиш вучалте,
Тойла койжо пырт ялна.

Аня ПРОХОРОВА.
1-ше номеран Шернур
школ.

Шочмо кундем

Мый мотор Изи Кугланур ялыште илем. Ял деч тораште огыл Изи Какшан энгер тўналтышым налеш. Шочмо кундемыште пүртүс моткоч сылне, поснак – кенежым. Тиде пагытыште йырым-йыр пеледыш кушкеш. Мый аршашым ышташ йöратем. Пеледыш аршашем авам ден ковамлан пöлеклем. Шочмо вершöрем дене кугешнем.

Алина ИВАНОВА.
Оршанке район.

Чодыра кугу манын, кажне пушегым пїчкын йöрыкташ нимо йöсыжат уке. Но мом каласа ончыкылык тукым?

В.ЮКСЕРЧ.

Таум ыштена

Ковам дене пырля чодырашке кошташ йöратем. Ошкылмо годым тудо йоча годсо жапшым каласкала. Тыге чодырашке писын миен шумыла чучеш. Кожерышке пурым деч ончыч ковам чарналта, шке семынже ала-мом пелешта. «Айда ынде пурена», – манеш вара. Мыланемже моткоч онай, ковам мом ойла гын? «Чодыра деч порылыкым, ласкалыкым йодам. Вет меат поро шонымаш дене тышке толынна», – ойла ковам. Саскам, понгым погымеке, чодыралан таум ышташ огына мондо.

Ксения ЕГОРОВА.
Морко, Күчыкэнгер.

Синквейн

Лышташпонго
Кугу, чатка.

Кушкеш, шылеш, шукшанеш.
Мыйын йöратыме кочкышем.
Понго.

Артем МОЧАЛОВ.
Советский, Öрша.




Понго «шылын»

Ик кечын, велосипедыш шинчын, ведрам налын, еш дене чодырашке понгым погаш тарванышна. Пўнчерыште мемнам йошкар упшан кармывонго-влак веле вашлийыч. Пеш моторын койыт, да кочкаш огыт йöрö. Шер теммешке яндар южым шўлышна, чодырам шерын лекна да мöнгö могырыш кудална. Ты кечын понго-влак мемнан деч шылыныт улмаш. Туге гынат пүртүс лонга гыч нöлталтше кумылан пöртылна.

Ксения ИВАНОВА.

Звенигово, 2-шо №-ан Красногорский школ.



Удыр-рвезе-влак, школыштыда шыже ончер эрта, очыни. Те, түрлө пакчасаскам иктесышт дене ушен, пүчкеден, яныкым, кайыкым але арверым ыштеда. Тендам саска ден пакчасаскам моторын пүккедыме сымыктыш дене палдарена. Тиде сымыктыш карвинг маналтеш. Тидын нерген Йошкар-Ола гыч тўнямбал мастер Т.Н.МАЛЯВИНА (снимкыште) дене мутланьшна.

– **Татьяна Николаевна, карвинг кундемыштына кумдан шарлен огыл, мастер-влакат уке гаяк улыт. Тидын нерген кузе пален налында?**

– Кевыгыште коштшемла, «Украшение блюд. Цветы из овощей» книга шинчашкем пернен. Моторлыкым ужмем нерген йолташем-влаклан каласкаленам. Икмынар жап гыч мыланем тиде книгаг пӧлекленыт. Лудын, ончен, пакчасаскам пүчкедаш тыршенам. Интернетште видеоролик ден мастер-класс-влакым онченам. Вара Таиландыш тунемаш каenam.

– **Моторлыкым шо-чыкташ могай пакчасаска але фрукт утларак келшен толтыт?**

– Кеч-могай пакчасаскам але фруктым кучылташ лиеш, но кажныже кужу

мым, пеледышым пүчкын лукташ лиеш, эсогыл портретым. Тыгак дайкон, реве гыч пүчкедаш сай.

– **Ямде арвер кужу жап аралалтше маньын, мом ыштыман?**

– Свежа пакчасаска ден фруктым кучылтман.

«Тамле» сымыктыш



Фотом еш архив гыч налме.

Арверда ынже кошко маньын, йўштӧ вўдым чўчкыдынрак шыжыктыман. Кешыр, ушмен, дайкон, кочушмен гыч поделкым йўштӧ вўдыштӧ аралыман. Кажне кечын вўдым вашталтет да холодильникышке шындет гын, нуно арня наре мотор шоген кертгыт. Кавун эн шуко жап аралалтеш. Тудым кажне кечын йўштӧ вўдыштӧ 30-60 минут шинчыктет гын, уэш «самырыкештеш».

– **Мотор сўрет-влакым пўчкедаш кўзым кучылтман. Йочалан лўдыкшӧ огыл?**

– Моткоч тўткӧ лийман. Йоча-влак пакчасаска ден фруктым кугыен деч посна пўккедышаш огытыл. Пўсӧ кўзым гына кучылтман. Кид ден кўзӧ вурго кукшо лийшаш улыт.

Х.АЛЕКСАНДРОВА
мутланен.



Фотом школын архивше гыч налме.

Шернур район Марисола школын тунемшыже-влак «Урожай – 2021» ончерым эртареныт. Йоча-влак, түрлӧ пакчасаскам, кушкылым, емыж-саскам, пеледышым кучылтын, поделкым ямдыленыт. Кажне класс паша-влакым аклымашке луктын. Снимкыште 7-ше классыште тунемше Яна Мамаеван «Эңырымшыжым» уждыда.

Пўртўс лонгашке

Ме, 1-4-ше класслаште тунемше-влак, туныктышопшамыч дене пырля кажне ийын походыш коштына. Теният мийышна. Тўрлӧ модыш дене модна, эстафетыште чулымлыкнам тергышна. Тулотеш кўктымӧ паренге пўртўс лонгаште пеш тамле ыле. Жапнам онайын да пайдалын эртарышна.

Андрей ШУРМЕТОВ.
Татарстан, Агрыз, Буймо.

Синквейн

Олма
Шере, тамле.
Кушкец, чеверга, камвозеш.
Пеш йӧратем.
Фрукт.

Лена СТЕПАНОВА.
Морко, Эңерсола.

Коча-ковалан полшена


Каныш кечылан коча-кова деке уналыкеш мийышна. Нуно мемнам куанен вашлийыч. Миша шольым эре кочай йыр пӧрдӧ: чывылан паренгым шолташ полшыш. А мый ковай пелен лийым. Лышташым пырля удырышна, кудывечым ўштна. Каныш кечым пайдалын эртарышна.

Аня ВИНОГорова.
Звенигово, 2-шо №-ан Красногорский школ.

Оксам кучылташ тунем

Аныклем

Мемнан ялыште кевыт шуко уло. Кудыжо келша, тушко ошкылаш лиеш. Авам мыланем кевытыште сатум налаш ўшана. Мом налаш кўлым каласа да оксам пуа. Мый куанен ошкыл колтем. Тиде жапыште авам вес сомылым ышта.



Кевытыште авамын каласымыжым веле налам. «Оксам кучылт моштет, эргым», – манеш авам.

Тыгодым кумылем кавашке нўлталтеш.

Костя КРЫЛОВ.

Морко, Коркатово.

Пайдале пызлыгичке

Авам дене пырля тельлан пызлыгичкым погенна (снимкыште). Тудо моткоч пайдале. Пызлыгичке С, В, В12 витамин-влаклан поян. Тушто калий, магний, фосфор да молат улыт. Пызлыгичке гемоглобиным кўзыкта, мокшым эрыкта, иммунитетым саемда. Йолташ-влак, теат поген ямдылыза!

Костя ШЕХУРДИН.

Шернур, Кукнур.

Шочмо кече

4 октябрыште латкок ийым теменам. Йолташем-влак толыныт, чапле пўлекым конденыт. Коча-ковам-шамыч пўлемышкем телевизорым налыныт, ача-авам – тамле торт ден чапле мечым. Пайремым онайын эртаренна: модынна, муренна, куштенна. Чылалан таум ойлем.

Сева НИКИТИН.

Кужэгер, Шўдымарий.



Фотом еш архив-гыч налме.

14 октябрь – Винни-Пухын шочмо кечыже.



Толливудысо Чап аллейыште Винни-Пухын шўдыржў уло. Тиде геройлан почётан наградым кучыктеныт.

Сўретым чиялтыза.

Марийский национальный театр драмы им. М. Шкетана
Театральная студия
«ИЗИ-STAR»
объявляет набор детей от 4 до 16 лет
ЗАНЯТИЯ ПО ДИСЦИПЛИНАМ:

- Актерское мастерство
- Сценическая речь
- Театральный вокал
- Пластика и сценическое движение

+7 987 723 77 91
Йошкар-Ола, пл. Ленина, 2
МНТД им. М. Шкетана
<https://vk.com/izistar>

16 октябрь – Киндын тўнйамбал кечыже.

*Кинде – сий да илыш вий.
Кинде шултыш ўстем-баке яра ок тол.*

Калыкмут-влак.



- Кочай, малет?
- А мо?
- 50 тенгем пу.
- Малем, уныкам, малем.

«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rp

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрыште пуымо.

0+

Печатьыш пуымо жап – 14-00, фактически – 13-00

Авторын да редакцийын шонымышт тўрлў лийын керыт. Серыш-влак мўнгеш огыт колталт. Ак – кутырен келшыме почеш.
Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пўрт. Тел. 8(8362) 45-22-82(факс)



Конкурс

Рома ИШМУРЗИН.
Татарстан, Агрыз, Буймо.

София ИСАЕВА.
Волжск ола.



Ур тельлан понгым ямдылы-
неже, но чодыраш йомын.
Корным муаш полшыза.



Шуко арвер коклаште икгай кок
сүретым муза.



Лышташ-влакын кудо пушенге гыч
камвочмыштым палыза да ушыза.



Нине понго-влак кокла гыч кудыжо уто?

- | | |
|----------------------------------|-----------------------|
| Пызлыгичке шуко — | шыже кужун шуйна. |
| Турня кўшыч кая — | йўран шыжылан. |
| Лудо шыжым ўлыч
чонгештылеш — | шыже шуйнышо
лиеш. |
| Меран вашке ок
сурем — | лавиртышлан. |

Калык пале-влакын мучашыштым муза.

Задаче

Золушка шыже баллан 4 нарынче да 3 йошкар тувырым ямдылен. Кажне нарынче тувырлан 4 метр куэм кўлын, йошкаргылан — 2 метр. Золушка чылаже мыняр метр куэмым кучылтын?



Пример-влакым чын шотлыза.
Шоншылан корзингаш понгым
опташ полшыза.

Интернетысе сүрет-влакым кучылтмо.